

REGULÆ PHILOSOPHANDI.
HYPOTHESES.

Reg.
Hypoth. I. *Causas rerum naturalium non plures admitti debere, quam quæ & vera sunt & earum Phenomenis explicandis sufficiant.*

Natura enim simplex est & rerum causis superfluis non luxuriat.

Hypoth. II. *Ideoque effectuum naturalium ejusdem generis eadem sunt causæ.*

Uti respirationis in Homine & in Bestia; descensus lapidum in Europa & in America; Lucis in Igne culinari & in Sole; reflexionis lucis in Terra & in Planetis.

Hypoth. III. *Corpus, utque in alterius cujusvis generis corpus transformari posse, & qualitatum gradus omnes intermedios successive indgere.*

Hypoth. IV. *Centrum Systematis Mundani quiescere.*

Hoc ab omnibus concessum est, dum aliqui Terram alii Solem in centro quiescere contendunt. PHÆNOMENA.

Hypoth. VI. *Planetas circumjoviales, radiis ad centrum Jovis ductis, areas describere temporibus proportionales, eorumque tempora periodica esse in ratione sesquialtera distantiarum ab ipsius centro.*

Constat ex observationibus Astronomicis. Orbes horum Planetarum non differunt sensibiliter à circularibus Jovi concentricis, & motus eorum in his circularibus uniformes deprehenduntur. Tempora verò periodica esse in ratione sesquialtera semidiametrorum orbium consentiunt Astronomi: & ~~Samuel Jones~~, qui omnia Microscopio & per eclipses Satellitum accuratius definiit, latus ad me dedit, quinque annis suis in eam communiens, significavit rationem illam sesquialteram tam accurate obtinere, quam sit possibile sensu deprehendere. Id quod ex Tabula sequente manifestum est.